



---

**REPUBLIKA E SHQIPËRISË**  
**MINISTRIA E FINANCAVE**

**MIRATOI**

**MINISTËR**

**Petrit Malaj**

**FTESE PËR OFERTË**

19 Shtator, 2024

**Adresa:**  
**Ministria e Financave**  
**Bulevardi “Dëshmorët e Kombit”, Nr. 3; Tiranë, Shqipëri**

Çdo pyetje në lidhje me Ftesën për Ofertë mund t'i adresohet:

**Znj. Brikena Nastini**

Drejtorja e Strategjisë, Regjistrimit, Shërbimit dhe Raportimit të Treguesve të Borxhit

[Brikena.Jazxhi@financa.gov.al](mailto:Brikena.Jazxhi@financa.gov.al)

## **Ftesë për ofertë\***

Jeni të lutur të paraqisni një propozim me shkrim për të vepruar si Këshilltar Ligjor në emetimin e mundshëm të një Eurobondi nga Republika e Shqipërisë.

### **Konteksti dhe Objektivat**

Pas emetimit me sukses të Eurobondit në vitin 2023, me vlerë 600 milion €, me maturitet 5 vite dhe me një normë kuponi prej 5.90%, Republika e Shqipërisë ("Republika", ose Emetuesi"), përfaqësuar nga Ministria e Financave, synon të emetojë një Eurobond në muajt në vijim, në tregjet ndërkombëtare të kapitalit. Si rrjedhojë, Ministria e Financave, kërkon të sigurojë shërbimin e një firme ligjore të specializuar në dhënien e konsulencës ligjore për emetimin e Eurobond-it të shtatë, me ekspertizë në ligjin anglez dhe ligjin e Shteteve të Bashkuara të Amerikës për letrat me vlerë.

#### **I. Qëllimi dhe Objekti i Shërbimit**

##### **i. Qëllimi i Shërbimit**

Sigurimi i shërbimit sa më të mirë në dobi të interesave të Ministrisë së Financave si përfaqësuese e Qeverisë së Republikës së Shqipërisë, gjatë periudhës së emetimit të një Eurobondi me metodën RegS/144A, në mënyrë të tillë që në asnjë moment këto interesa të mos çënohen, si rezultat i këtij transaksioni. Fondi limit/vlera e pritshme e kontratës është e detajuar si më poshtë:

- Fondi Limit/vlera e pritshme për emetimin e eurobondit të ri është: **19,585,672.29** Lekë (pa TVSH )

##### **ii. Objekti i Shërbimit**

**A. Rishikimi i çështjeve ligjore dhe rregullatore** - Këshillimi mbi ligjin e bursës si edhe mbi rregullore të tjera të zbatueshme lokale dhe tatimore (në bashkëpunim me këshillues vendas), mbi çështjet e emetimeve ndërkombëtare të bondeve nga entitete sovrane.

- Këshillim dhe asistencë në çështjet e mëposhtme:
  - Asistencë në strukturimin e ofertës duke përfshirë emetimin e një bondi në shumë tregje, i cili synon të tërheqë investitorë të rëndësishëm në Shtetet e Bashkuara të Amerikës, Evropë apo diku tjetër.

---

\* Kjo ftesë për ofertë, lëshuar nga Republika e Shqipërisë, përfaqësuar nga Ministri i Financave, duke vepruar mbështetur në Vendimin e Këshillit të Ministrave nr.311, datë 27.05.2021, është për përdorimin ekskluziv të personave të cilëve u adresohet në lidhje me Ofertën (siç përcaktohet këtu).

- Asistencë në ndikimin që mund të kenë rregulloret ndërkombëtare për emetimin e letrave me vlerë në përgjithësi në këtë emetim, si edhe ndikimi që ka Ligji Amerikan dhe Evropian në veçanti.
- Çështje të tjera ligjore që kanë të bëjnë me ofertën, siç janë detyrimet fiskale që lidhen me ofertën.
- Procedurat lidhur me listimin në bursë.
- Çështjet ligjore dhe praktike të tregut lidhur me ofertat e bondeve qeveritare, duke përfshirë qëllimin e informacionit të kërkuar në prospektus, emetimin dhe procedurën e shlyerjes, heqjen dorë nga imunitetet sovraane, zgjedhjen e ligjit të zbatueshëm dhe klauzolave të veprimit kolektiv.
- Konsultimi dhe bashkëpunimi me shërbimet ligjore shtetërore dhe këshilltarët ligjorë të bankave që veprojnë si menaxhere-udhëheqëse (Joint Lead Managers) mbi aspektet ligjore, rregullatore, tatimore dhe aspekte të tjera relevante të ligjit të vendit.
- Asistimi i vendit, në për zgjedhjen e anëtarëve të tjerë të procesit, nëse konsiderohet e nevojshme.

**B. Asistencë gjatë procesit të Due Diligence** - Këshillim dhe asistencë gjatë procesit Due Diligence, i cili konsiston në verifikimin e saktësisë së informacionit të përfshirë në dokumentet e ofertës.

- Shpjegimi i qëllimit dhe natyrës së procesit Due Diligence në lidhje me përgatitjen e dokumentacionit të ofertës (duke përfshirë letrën 10b-5 në rast të ofrimit me Rregullin 144A).
- Ofrimi i asistencës në përpunimin e informacionit ose kërkesave për intervista me përfaqësues të qeverisë nga bankat të cilat veprojnë si menaxhere-udhëheqëse (Joint Lead Managers) dhe këshilltarëve të tyre ligjorë.
- Marrja pjesë në takimet e auditimit paraprak me zyrtarët shtetërorë, me bankat që veprojnë si menaxhere-udhëheqëse (Joint Lead Managers) si edhe me këshilltarët e tyre ligjorë.

**C. Përcaktimi i afateve kohore**

- Konsultimet me Republikën e Shqipërisë, dhe me bankat që veprojnë si menaxhere-udhëheqëse (Joint Lead Manager) në përcaktimin e kohës së transaksionit, duke marrë parasysh kushtet e tregjeve ndërkombëtare të kapitalit.
- Bashkëpunimi me Ministrinë e Financave, dhe palë të tjera të përfshira në këtë proces për t'u siguruar që procesi është duke u zhvilluar në përputhje me skedulën e parashikuar.

#### **D. Përgatitja e dokumentacionit të ofertave për transaksionin e Eurobondit**

- Udhëheq në hartimin e një prospektusi lidhur me transaksionin, përfshirë informacionin përshkrues të vendit, në përputhje me standartet ndërkombëtare dhe praktikën e tregut për emetimet e bondeve qeveritare. Ndjekjen e seancave të draftimit të dokumentit si edhe përgatitja e draft prospektusit të rishikuar.
- Rishikimin dhe negocimin në emër të Republikës së Shqipërisë të termave të “letrës së mandatimit” me bankat menaxhere-udhëheqëse (Joint Lead Manager).
- Rishikimin dhe negocimin në emër të Republikës së Shqipërisë, të kushteve të Marrëveshjes së Abonimit (Subscription Agreement) me bankat që veprojnë si menaxhere-udhëheqëse (Joint Lead Managers) dhe këshilltarët e tyre.
- Negocimi në emër të Republikës së Shqipërisë me bankat që veprojnë si udhëheqëse-menaxhere (Joint Lead Managers), me agjentin fiskal dhe me të besuarin (trustee), sipas rastit, dhe me këshilltarët e tyre, i draftit të Marrëveshjes së Agjencisë (Fiscal Agency Agreement) ose Marrëveshjes së Besimit (Act Trust Deed), sipas rastit.
- Negocimi me bankat që veprojnë si udhëheqëse-menaxhere (Joint Lead Managers), dhe me këshilltarët e tyre, i termave të opinionit ligjor dhe opinionit negativ (negative clearances), përputhshmërinë me kufizimet e shitjes në Amerikë dhe në Europë si edhe çështje të tjera të rëndësishme për këtë proces.
- Bashkëpunimi me shërbimet ligjore qeveritare për të përgatitur dokumentacionin qeveritar të kërkuar për këtë proces, si edhe opinionit ligjor për t’u lëshuar nga autoritetet përkatëse shtetërore.

#### **E. Përfundimi i dokumentacionit**

- Përfundimi i prospektusit fillestar dhe monitorimi i printimit të tij; përfundimi i prospektusit final dhe monitorimi i printimit të tij. Asistimi i vendit në negocimin përfundimtar të Marrëveshjes së Agjencisë (Fiscal Agency Agreement) ose të Marrëveshjes së Besimit (Trust Deed), sipas rastit, dhe të Marrëveshjes së Abonimit (Subscription Agreement).
- Përfundimi i dokumentacionit të ofertës për qëllime të kërkesave të listimit, nëse do të aplikohet.

#### **F. Hedhja e bondeve në treg, mbyllja e ofertës së transaksionit të Eurobondit dhe listimi në bursë**

- Asistimi i përfaqësuesve të shtetit si edhe bankave që veprojnë si udhëheqëse-menaxhere (Joint Lead Managers) në çështjet ligjore gjatë përgatitjes për procesin e Road Shoë.

- Koordinimi me bankat që veprojnë si udhëheqëse-menaxhere (Joint Lead Managers) si edhe asistimi i vendit gjatë procesit të Due Diligence, e cila do t'i paraprijë listimit dhe mbylljes së ofertave.
- Koordinimi i nënshkrimit të dokumentacionit si edhe mbylljes së procesit të dhënies së ofertave në emër të vendit.
- Pjesëmarrja në përgatitjen e kërkesave të listimit si edhe përgjigjet për informacionin e kërkuar nga bursat përkatëse.
- Koordinimi i listimit të bondeve me agjentin listues dhe këshilltarin ligjor ndërkombëtar të bankave të cilat veprojnë si udhëheqëse-menaxhere (Joint Lead Manager).
- Asistimi i vendit, sipas kërkesës, në të gjitha çështjet pas procesit të përfundimit, duke përfshirë përgatitjen e një memorandumit mbi detyrimin e raportimit të vendit, të Marrëveshjes së Agjencisë (Fiscal Agency Agreement) dhe/ose të Marrëveshjes së Besimit (Trust Deed), sipas rastit, dhe sipas kushteve të pranimit në bursë, nëse kërkohet.

## **II. Vendi dhe Frekuenca e kryerjes së Shërbimeve**

Këshilltari Ligjor do të asistojë Ministrinë e Financave të Republikës së Shqipërisë, konkretisht Drejtorinë e Përgjithshme të Borxhit Shtetëror, në ambientet e saj dhe kudo tjetër që është e nevojshme, kurdo dhe sa herë që Ministria e Financave ka nevojë për ndihmën e këshilltarit ligjor në lidhje me të gjithë emetimin e Eurobondit.

## **III. Kriteret e pranimit/kualifikimit**

- **Zarfi A duhet të përmbajë dokumentet e listuara më poshtë:**

### **A. Kriteret e përgjithshme kualifikuese**

Operatorët ekonomikë do të paraqiten duke dorëzuar vetëdeklarimet me shkrim të dokumenteve të mëposhtme:

- a) është i regjistruar në autoritetet përkatëse të vendit të origjinës dhe ka në fushën e veprimtarisë shërbimin e konsulencës;
- b) nuk është në proces falimentimi, (statusi aktiv);
- c) nuk është dënuar për shkelje penale;
- d) nuk është dënuar me vendim të gjykatës së formës së prerë, për vepra që lidhen me veprimtarinë profesionale;
- e) ka paguar të gjitha detyrimet për pagimin e tatimeve e të kontributeve të sigurimeve shoqërore, sipas legjislacionit në fuqi;
- f) të paraqesë deklaratën mbi Konfliktin e Interesit;
- g) të paraqesë deklaratën mbi disponueshmërinë e anëtarit të stafit të konsulentit.

Operatorët ekonomikë do të dorëzojnë një garanci oferte, e barabartë me 2% të fondit limit të përcaktuar më sipër, në formën e një garancie bankare ose garancie sigurimi, të lëshuar nga një bankë ose nga shoqëria e sigurimit, e cila është e vlefshme deri në 15 ditë nga data e nënshkrimit të kontratës me operatorin ekonomik të përzgjedhur. Nëse nuk ka operator ekonomik të përzgjedhur, sigurimi i ofertës do të jetë i vlefshëm deri në 15 ditë nga data e njoftimit përkatës të lëshuar nga Ministria e Financave.

## **B. Oferta teknike**

- 1. Kapaciteti Ligjor/profesional i operatorëve ekonomikë** - Ekstrakt historik i regjistrimit tregtar ose dokumentin ekuivalent të lëshuar në vendin e origjines për rastin e subjekteve të huaja ku periudha e veprimtarisë së operatorit ekonomik duhet të rezultojë jo më pak se 7 vjet eksperience aktive në fushën shërbime konsulence.
- 2. Kapaciteti ekonomik dhe financiar:**
  - a) Kopje të çertifikuara të bilanceve të tre viteve të fundit 2021-2022-2023 të konfirmuara në autoritetet përkatëse.
  - b) Operatori ekonomik duhet të dëshmojë, përvojën në kryerjen e shërbimeve të mëparshme të ngjashme me vlerë jo më të vogël se 40% e vlerës së përllogaritur të kontratës që do të lidhet, të realizuar gjatë tre viteve të fundit me institucione shtetërore.
- 3. Kapaciteti teknik** - Licensë profesionale të subjektit dhe të ekspertëve të kontraktuar prej saj, të lëshuar nga institucioni shtetëror i ngarkuar për dhënien e licensave profesionale sipas dispozitave në fuqi të lëshuar në vendin e origjinës.
- 4. Cv e operatorit ekonomik** - një përshkrim i përgjithshëm i profilit të veprimtarisë, të dhëna të përgjithshme lidhur me eksperiencën dhe bashkëpunime në përmbushje të projekteve të ndryshme me natyrë konsulencë në fushën e shërbimeve të konsulencës ligjore (Profili i kompanisë kërkohet, i prezantuar edhe nga prospekti i tij zyrtar (faqe interneti, katalog, etj.).
- 5. Operatorët Ekonomikë duhet të paraqesin:** perberjen e ekipit të cilet do të angazhohen në këto shërbime, shoqëruar me diplomat përfaqësuese kualifikimit, specializimet, Cv e tyre, licensat/certificate profesionale kur kanë të tilla. Kompania konsulente duhet të sigurojë 5 ekspertë, ku 1 (një) ekspert kryesor (lider), 2 (dy) ekspertë Senior dhe 2 ekspertë mbështetës, që të plotësojnë kriteret profesionale/akademike të mëposhtme:

### **a) Lideri i ekipit**

#### **Kualifikimet dhe aftësitë:**

- i. Të jetë i diplomuar në Shkencat Juridike;

- ii. Njohuri të thelluara mbi Këshillimin mbi ligjin e bursës si edhe mbi rregullore të tjera, mbi çështjet e emetimeve ndërkombëtare të bondeve nga entitete sovraane;
- iii. Njohuri të thelluara mbi dhënien e asistencës/këshillimit gjatë procesit Due Diligence;
- iv. Të ketë përvojë në dhënien e asistencës mbi emetimin e një bondi në shumë tregje (Amerikë, Europë apo diku tjetër);
- v. Të paktën 7 vjet përvojë praktike/konsulencë në në fushën e konsulencës ligjore dedikuar për këtë shërbim;
- vi. Përvojë pune në menaxhim, aftësi këshilluese dhe operacionale me struktura qeveritare.

*\*Kërkesat nga pika (i) deri në (vi) të jenë të provuara me dëshmi kualifikimi/specializimi, licensa/certificata profesionale/ letër referenca që vërtetojnë përmbushjen e këtyre pikave.*

#### **b) Ekspert nr. 1**

##### **Kualifikimet dhe aftësitë**

- i. Të jetë i diplomuar në Shkencat Juridike;
- ii. Njohuri të thelluara mbi Këshillimin mbi ligjin e bursës si edhe mbi rregullore të tjera të zbatueshme mbi çështjet e emetimeve ndërkombëtare të bondeve nga entitete sovraane;
- iii. Të ketë përvojë në dhënien e asistencës mbi emetimin e një bondi në shumë tregje (Amerikë, Europë apo diku tjetër);
- iv. Të paktën 5 vjet përvojë praktike/konsulencë në fushën e konsulencës ligjore të dedikuar për këtë shërbim;
- v. Rezultate të provuara për asistencën e dhënë;
- vi. Përvojë pune në menaxhim, aftësi këshilluese dhe operacionale me struktura qeveritare.

*\*Kërkesat nga pika (i) deri në (vi) të jenë të provuara me dëshmi kualifikimi/specializimi, licensa/certificata profesionale/ letër referenca që vërtetojnë përmbushjen e këtyre pikave.*

#### **c) Ekspert nr. 2**

##### **Kualifikimet dhe aftësitë**

- i. Të jetë i diplomuar në Shkencat Juridike dhe ose Ekonomike.
- ii. Njohuri të thelluara mbi çështjet ligjore dhe praktike të tregut lidhur me ofertat e bondeve qeveritare, duke përfshirë qëllimin e informacionit të kërkuar në prospektus, emetimin dhe procedurën e shlyerjes, heqjen dorë nga imunitetet sovraane, zgjedhjen e ligjit të zbatueshëm dhe klauzolave të veprimit kolektiv.
- iii. Të paktën 5 vjet përvojë praktike/konsulencë në fushën e konsulencës ligjore;



- iv. Rezultate të provuara për asistencën e dhënë në fushën e konsulencës ligjore të dedikuar për këtë shërbim;
- v. Përvojë pune në menaxhim, aftësi këshilluese dhe operacionale me struktura qeveritare.

*\*Kërkesat nga pika (i) deri në (v) të jenë të provuara me dëshmi kualifikimi/specializimi, licensa/certificata profesionale/ letër referenca që vertetojnë përmbushjen e këtyre pikave.*

#### **d) Ekspert mbështetës nr. 3**

##### **Kualifikimet dhe aftësitë**

- i. Të jetë i diplomuar në Shkencat Juridike dhe ose Ekonomike.
- ii. Të paktën 5 vjet përvojë praktike/konsulencë në fushën e konsulencës ligjore të dedikuar për këtë shërbim.
- iii. Përvojë dhe aftësi këshilluese dhe operacionale në projekte të ngjashme konsulencë;

*\*Kërkesat nga pika (i) deri në (iii) të jenë të provuara me dëshmi kualifikimi/specializimi, licensa/certificata profesionale/ leter referenca që vertetojnë përmbushjen e këtyre pikave.*

#### **e) Ekspert mbështetës nr. 4**

##### **Kualifikimet dhe aftësitë**

- i. Të jetë i diplomuar në Shkencat Juridike dhe ose Ekonomike.
- ii. Të paktën 3 vjet eksperiencë të gjerë dhe përvojë praktike në konsulencë të dedikuar për këtë shërbim;
- iii. Përvojë dhe aftësi këshilluese dhe operacionale në projekte të ngjashme konsulencë të dedikuar për këtë shërbim;

*\*Kërkesat nga pika (i) deri në (iii) të jenë të provuara me dëshmi kualifikimi/specializimi, licensa/certificata profesionale/ letër referenca që vertetojnë përmbushjen e këtyre pikave.*

- **Zarfi B duhet të përmbajë Propozimi ekonomik duke ju referuar modelit të mëposhtëm:**

Kandidati duhet të paraqesë një Propozim Ekonomik, shuma totale e të cilit nuk duhet të kalojë Fondin Limit të përcaktuar më sipër dhe që duhet të përmbajë:

Dispozitat e shërbimeve ligjore në lidhje me përgatitjen dhe emetimin e bondeve sovraane të denominuar në Euro në përputhje me formatin Reg S dhe 144A nën Aktin e Letrave me Vlerë të SHBA të vitit 1993, sipas kategorisë së punës:

Përshkrimi	Euro	
	Në shifra (€)	Në fjalë (€)
Rishikimi i çështjeve ligjore dhe rregullatore		
Asistencë në procesin e due diligence		
Përkufizimi i një afati kohor për zbatim		
Përgatitja e dokumenteve të ofertës		
Përfundimi i dokumenteve të ofertës		
Bonds placement, mbyllja e ofertës dhe listimi i bursës		
Çdo punë tjetër të nevojshme për emetimin e instrumenteve ndërkombëtare të këtij lloji		
Tarifa e rimbursimit (nëse due diligence zhvillohet në Tiranë)		
Totali		

#### IV. Vlerësimi

##### A. Vlerësimi i Propozimit Teknik

Vlerësimi i Propozimeve Teknike kryhet duke marrë parasysh kriteret e mëposhtme:

##### Kriteret e Vlerësimit

**Pikët**

##### 1. Përvoja për Punë të Ngjashme të Konsulentit

**[20 pikë]**

##### Nënkriteret

- a) Përvoja për punë të ngjashme [12 pikë]  
Operatorët ekonomikë, të vlerësohen sipas kontratave të sukseshme të ngjashme me objektin e kontratës.
- b) Kapaciteti ekonomik dhe certifikatat e standardeve të cilësisë [8 pikë]  
Operatorët ekonomikë të vlerësohen sipas kapacitetit ekonomik dhe certifikatave të standardeve të cilësisë së paraqitur në ofertë.

##### 2. Metodologjia e Propozuar

**[30 pikë]**

##### Nënkriteret

- a) Përfaqsjat teknike dhe metodologjia [8 pikë]
- b) Plani i punës dhe grafiku i dorëzimit të projektit [10 pikë]
- c) Organizimi i Stafit [12 pikë]

- a) **Përqasja teknike dhe metodologjia:** Konsulenti duhet të paraqesë problemet kryesore dhe rëndësinë e tyre dhe të shpjegojë përqasjen teknike që do të adaptojë për zgjidhjen e tyre. Konsulenti duhet të shpjegojë metodologjinë që propozon të adoptojë dhe të paraqesë kompatibilitetin e këtyre metodologjive me qasjen e propozuar (Konsulenti në këtë rast nuk duhet të përsërisë/ kopjojë termat e referencës).
- b) **Plani i Punës dhe grafiku i dorëzimit të projektit:** Konsulenti duhet të propozojë aktivitetet kryesore të detyrës, përmbajtjen dhe kohëzgjatjen e dorëzimit të projektit, fazat dhe ndërlidhjen midis tyre, etapat e dorëzimit të raporteve dhe proj
- c) ektit. Plani i propozuar i punës duhet të përputhet me përqasjen teknike dhe metodologjinë, duke treguar se i ka kuptuar kërkesat e Termat e Referencës në plan pune konkret.
- d) **Organizimi i Stafit:** Konsulenti duhet të përshkruajë kompozimin dhe strukturën e skuadrës së tij, listën e ekspertëve kryesore, stafin mbështetës, CV e firmës dhe personelin kryesor.

### 3. Kualifikimet e Stafit Kryesor të Propozuar

[50 pikë]

Numri i pikëve që do të vendoset për çdo pozicion apo specialitet duhet të përcaktohet duke marrë në konsideratë nënkriteret e mëposhtme dhe peshën përkatëse në përqindje:

- a) Kualifikim i përgjithshëm [10 pikë]
- b) Eksperienca në fushën përkatëse [40 pikë]
- a) Kualifikimi i përgjithshëm përfshin: arsimimin përkatës dhe trajnimet, vitet e eksperiencë.
- b) Eksperienca në fushën përkatëse përfshin: eksperienca në sektorin specifik, fushën përkatëse, të lidhura këto me pozicionin e përcaktuar në stafin kryesor.

### Pikët për Propozimin Teknik

[100 pikë]

*Shënim: Minimumi i pikëve të Propozimit Teknik, për te vazhduar me vlerësimin e propozimit ekonomik, është 70 pikë.*

### B. Vlerësimi i Propozimit Ekonomik

Vlerësimi i Propozimeve Ekonomik kryhet sipas formulës së mëposhtme:

Pe- Pikët për Propozimin Ekonomik

Çu- Çmimi më i Ulët i Ofruar

Ç – Çmimi Ofertues i Radhës (*duke filluar nga çmimi më i ulët*)

$$Pe = 100 \times \frac{\text{Çu}}{\text{Ç}}$$

(çmimi më i ulët = pikët maksimale për propozimin ekonomik)

### Pikët për Propozimin Ekonomik

[100 pikë]

### C. Vlerësimi përfundimtar

Pikët për Propozimet Teknike dhe Financiare sipas peshave janë dhënë si më poshtë:

**Pikët totale për Propozimin Teknik:  $X = (\text{pikët e propozimit teknik} \times 0.8)$**

**Pikët totale për Propozimin Ekonomik:  $Y = (\text{pikët e propozimit ekonomik} \times 0.2)$**

Oferta më e mirë do të jetë sipas kombinimit të pikëve të propozimit teknik dhe propozimit ekonomik. Formula e llogaritjes është si më poshtë:

$$\text{Oferta më e mirë} = X + Y$$

Operatori ekonomik që ka marrë më shumë pikë gjatë mbledhjes së pikëve teknike dhe ekonomike do të ftohet për negociata dhe lidhjen e kontratës.

## **V. Procesi i dorëzimit**

Zarfat e vulosur duhet të dorëzohen në protokollin e Ministrisë së Financave, ku propozimet ndahen në dy zarfe të veçanta, të mbyllura dhe jotransparente, të quajtura:

- Zarfi A (Dokumentet e Propozimit Teknik)
- Zarfi B (Dokumentet e Propozimit Ekonomik)

Nënshkruar dhe me këto shënime:

- adresën;
- Shënimin: Zarfi A " Propozimi Teknik për Konsulencë Ligjore  
Zarfi B " Propozimi Ekonomik për Konsulencë Ligjore
- emrin e ofertuesit;

Të dy gjuhët Anglisht ose Shqip do të pranohen për Ofertën dhe të gjitha korrespondencat / dokumentet në lidhje me Ofertën dërguar Ministrisë së Financave.

Të dy zarfat (si origjinal ashtu edhe një kopje për secilin zarf), duhet të dërgohen në Ministrinë e Financave deri më 10 Tetor 2024, ora 12:00 p.m., me kohën e Tiranës. Ministria e Financave rezervon të drejtën të refuzojë çdo propozim që nuk është marrë deri në këtë kohë.

**Propozimet do të hapen nga komisioni i vlerësimit të ofertave më datë 10 Tetor 2024 ora 12:15 p.m..**

## **VI. Konflikti i interesit**

Këshilltari ligjor duhet të angazhohet, gjatë gjithë misionit, të sigurojë këshilla profesionale, objektive dhe të paanshme dhe të ruajë, në çdo kohë dhe në të gjitha rrethanat, interesat e Republikës së Shqipërisë. Këshilltari ligjor duhet të shmangë situatat e konfliktit të interesit me misionet ose interesat e tjera.

## **VII. Konfidencialiteti**

Dokumentet dhe të dhënat që do të jenë në dispozicion të ministrisë do të konsiderohen konfidenciale dhe nuk duhet të transmetohen tek palët e treta.

## **VIII. Informacion tjetër**

Kjo kërkesë për propozime nuk është një angazhim nga Ministria e Financave për të pranuar propozime. Ministria e Financave rezervon të drejtën të pranojë ose të refuzojë çdo dhe të gjitha propozimet, të negociojë modifikimet e propozimeve të paraqitura dhe të heqë dorë nga çdo parregullsi ose informalitet në çdo propozim.

Pasi të zgjidhet finalisti, Ministria e Financave do të negociojë një marrëveshje që do të jetë në interesin më të mirë të Republikës së Shqipërisë. Marrëveshja do të përfshijë të gjitha aspektet e propozimit të përshkruar këtu.